

# Balua gba Djaki

## Eli na kalanu

Balua gba Djaki-e, apo bhulá ongú inde a ayo me u mene e. Aní aye pí ndu okpála gba Ebhe inde atsambala pfla doto libhomu. Djaki agama 'ngú ne bádha 'li pindji ongú inde atsia imbilangu, engú inde a ayo me u mene e bhú dasundu gba omakilisito.

Balua ango-o ngalu kpekpeke pindji bádha 'ngú inde bhú okulu di ne \*nabhuka, ne pindji namene 'ngú na Ebhe maka makilisito.

Ongbengbe ongú inde bhú bhuku inde-e ngae inde:

Eli na kalanu 1:1

Nabhuka, a la di-e imbilangu 1:2-8

Nadu bhú ndibhili ne nadu ne tia bhelé 1:9-11

Nali bhú nale 1:12-18

Nadje 'kpí, a la di-e okulu 1:19-27

Nagbele 'dje kpála pindji nagbogbo bhusu o 2:1-13

Nabhuka, a la di-e okulu 2:14-26

Makilisito ne 'mi e 3:1-18

Makilisito, a la di-e ongú na doto 4:1 – 5:6

Olfli ngangá 5:7-20

## Djaki yi okpála gba Ebhe-e mayi

**1** Ngama, Djaki, bali gba Ebhe, bali di gba Ngámá Yesu \*Kilisito-o, ma yi ndu okpála gba Ebhe hana inde atsambala pfla doto libhomu-o mayi.

Yi du ne kpeke bua bhú okpekpeke da 'ngú

<sup>2</sup>\*Ondaise ma, li okpekpeke da 'ngú du abhaka yi ne li okpadji ngangá-a, yi de du bhúbhú ne djali naali. <sup>3</sup>Padhá de, anga yi mbila ndjindji me, i du me \*nabhuka gba yi-e nde alu kpekpeke bhú okpekpeke da 'ngú-o, nabhuka ango-o tsia há pí yi kpeke bua.

<sup>4</sup>Kaka-a, yi lila liyi uu! Padhá de, anga a ayo me kpeke bua gba yi-e kolo bha bini ali soso, ngubula me yi bhele li bua yi, amba yi a'ó ká saka bádha 'ngú bini de.

<sup>5</sup>I du la me kpála bini bhú ká yi nde aneke imbilangu-o, a ayo me aní yo ka Ebhe, amba Ebhe ha pí aní. Padhá de, anga Ebhe ngahaha pí ndu okpála hana ne bádha bua, la di ne bua na keke de. <sup>6</sup>Engú bini, a ayo me aní yo ne nabhuka. Aní adú ne bua na bhisi bhisi de. Padhá de, anga kpála inde ne bua na bhisi bhisi-e, aní maka ngbo 'ngu inde li anvi ngatumba e pí djila 'ngbé 'ngu. <sup>7</sup>Kpála ango-o a'ó 'to e de me ni asía 'he ka Ebhe Ngámá-a de, <sup>8</sup>anga aní ne bua na bhisi bhisi. Aní mbila la di de me bhú ká ondu 'ngú gba ni-e hana-a, ni améne pí-ie de.

Engú inde akólo li obhulu ndibhili ne obhulu tia

<sup>9</sup>A ayo me \*mabhuka inde bhú ndibhili-e kpi djali. Padhá de, anga Ebhe nga'e'e aní abhulá. <sup>10</sup>La di-e, mabhuka inde ne bhulu tia-a, a ayo me aní kpi djali, anga Ebhe ngake aní ne kuto. Padhá de, anga aní akódho 'kpí maka felele na ulu inde abhú bili. <sup>11</sup>Ela ngakoto ne kpeke djua gba e, i tsulu ulu, li ulu-o 'ulu. Li ulu a'ulu lie, li felele felele tí kuto. Abhomu-o, li bádha gba ulu ango-o tsia kólo padhá. A bhadi moko pí bhulu tia. Padhá de, anga kpála ango-o akólo padhá bhú ká ondu 'he gba e hana inde aní ngamene e-o.

## Ebhe ti da nato kpála bhú nale de

<sup>12</sup>A ko djali pi kpála inde ne kpéke bua bhú okpekepe de 'ngú. Padhá de, anga pita ani ane okpekepe da 'ngú lie, ani tsia sía makalá inde li Ebhe apa nani me ni ahá e pi okpála bhende akúnda ni ko. Makalá ang-o, a ko mukobho na dũdũma. <sup>13</sup>Li nale<sup>a</sup> bhaka kpála-a, ani apá de me: «Ebhe ngato ma bhú nale-e ngae» de. Padhá de, anga mabhundja nale kpála bhú Ebhe ade. La di-e, Ebhe ngae makpe-e, ti da nale kpála bini de. <sup>14</sup>Kpála ngali bhú nale ka gumu na sisiti inde li bua e-o. Gumu na sisiti ang-o gbéle ani, i tsia tó ani bhú nale. <sup>15</sup>Pipita-a, gumu na sisiti-e bí 'bhi, i zú siti 'ngú. Siti 'ngú ang-o bhele-e, i tsia zú nakpi.

<sup>16</sup>Ondaise ma na mukũnda, yi apíte liyi de. <sup>17</sup>Ndu 'ngú na babadha hana, la di ne ndũ tia inde ane ne bádha hana ngayie ka Ebhe, inde abho ndũ 'he na zizi inde abhúla-a<sup>b</sup> hana ngae-o. La pi ani-e, zi ani djidji lie de, ani yie la di bhú da e 'kpí bini de. <sup>18</sup>Ebhe akũnda nani ngae makpe naha mukobho pi ní li kpadji na eli gba e na kũkũlũ-o. A ko ngũbula napa me ní dũ ogina nguwa bhú ká ondũ 'he hana inde ani abho e-o.

Nadje eli gba Ebhe , di ne namene maka li eli ang-o apa lie-o

<sup>19</sup>Ondaise ma na mukũnda, yi mbila engú inde-e ndjindji: kpála ne kpála dũ adje 'ngú má gala! La-a, ani adũ agama 'ngú má gala gala de! Ani adũ di ake 'ngú lie má gala gala de! <sup>20</sup>Padhá de, anga ke 'ngú gba kpála-a, ngagbe \*ngbili 'ngú kala Ebhe ade. <sup>21</sup>Kaka-a, yi yala ndũ 'ngú bhende na sisiti-e hana. Yi yala di ndũ kulu na sisiti-e hana. Yi sia eli inde li Ebhe ngalu e li bua yi-e ne naké liyi ne kuto. Padhá de, anga eli ang-o ne angu ngú \*nakobho yi.

<sup>22</sup>Yi mene engú inde li 'li Ebhe ngapa me yi mene e ko. Yi adũ bha nadjedje madje de. I dũ mo-o de-e, amba yi ngapite bhomũ-o liyi ngayi makpe. <sup>23</sup>Padhá de, anga kpála bhende ngadje eli, ani tsia mene maka li eli ang-o ngapapa lie de-e, ani maka kpála bhende ngatsia bhúla e bhú bitolobi. Ani ú maka ani nde lie-o. <sup>24</sup>Pita ani atsia bhúla e lie, ani há lie, ani tsia tápa. La-a, bha kolo má gala, ani mbila matá de me bhúla ni de igini pi-ie de. <sup>25</sup>Engú bini, kpála koko ngazi 'ndji e bhú líli inde babadha na kuo kuo inde ngagbegbe kpála bhú bali-e ndjindji. Ani la di ngadhede tété. Ani ngadje eli-e lie, ani 'lí to e tété de. Bhú namene maka li eli-e ngapapa lie, kpála bhomũ-o adũ ne djali.

<sup>26</sup>I dũ me kpála nde ngabundja me ni ngamene engú na Ebhe, engú bini, ani mbila nalila 'mi e de-e, kpála ang-o ngapite lie ngae makpe. Engú na Ebhe inde li kpála ang-o ngamene e, a padhá. <sup>27</sup>Engú na Ebhe inde kũkũlũ-o, inde la di babadha bhú djila 'Dyi ní Ebhe-e, a ngae inde: a ko nanũ nateteke otsulosi di ne oøkəsi bhú líkabhũ gba o-o, a la di-e nalila lie, amba engú na doto inde-e asiti ni de.

Yi aú okpála koko ngbéngbé ane okoko de

**2**<sup>1</sup>\*Ondaise ma, yi abhuka Ngámá gba ní Yesu \*Kilisito , inde abedhe ne \*sangu bedhe-o. Kaka-a, yi aú okpála koko ngbéngbé ane okoko de. <sup>2</sup>Ní pa nga me: bhũlũ tia bini inde adyi kati na olo, di ne obabadha \*bongo na kuo kuo, ali li bili inde yi apekøbhe bhúla yi lie-o. Pipita-a, li bhũlũ ndĩbhili inde adyi naae okakadha bongo lí di oo. <sup>3</sup>Yi tsia ú bhũlũ tia inde adyi obabadha bongo na kuo kuo ngbéngbé ane mane. Kaka-a, yi tsia pá pi ani me: «Ngamũ-o, dũ si, li bádha bili inde!» Yi tsia pá la naae pi bhũlũ ndĩbhili-e me: «Ngamũ-o, lũ malũ», ne me: «Dũ kuto bhú doto bhú li 'dhũ ma si!» <sup>4</sup>I dũ me yi nde amene mo-o, amba yi ngau okpála koko ngbéngbé ane okoko mane. Yi la di ngakodho 'ngú ne mabhundja na sisiti.

<sup>5</sup>Ondaise ma na mukũnda, yi djedje nga: Ebhe alo okpála bhende naao ne obhũlũ ndĩbhili bhú djila okpála na doto-o. Ani akũnda me u dũ ne \*nabhuka naali, ngũbula me

<sup>a</sup>1:13 Bhú eli na giliki-e, kpéke da 'ngú ne nale-e, a ko bha koli 'he bini.

<sup>b</sup>1:17 Ndu 'he na zizi inde abhúla: A akũnda napa me ela, epe ne oikũpala.

u li bhú Nau gba ni inde ni apa me ni ahá e pi okpála bhende ngakúnda ni ko. <sup>6</sup> Engú bini, yi ngau obhulú ndibhili-e bhú djila yi padhá! La-a, a ngato mbolo li yi-e da? A la di ngagbe yi bhú ngbanga da? A ko obhulú tia di? <sup>7</sup> A ko matá bhadi uo di inde ngasobho 'li na babadha inde li Ebhe aha e pi yi-e?

<sup>8</sup> \*Bhuku gba Ebhe-e apa me: «Kúnda kilí m̄ maka mo okúnda lim̄ lie ngam̄ makpe ko.†» A bhom̄-o líli inde bhú \*Nau gba Ebhe ko. † d̄ me yi nde ngalila líli angó-o, amba yi ngamene bhom̄-o ndjindji. <sup>9</sup> Engú bini, i d̄ me yi nde ngau okpála koko ngbéngbé ane okoko mane-e, amba yi ngamene siti 'ngú. La di-e, líli-e agbete yi, anga yi ngagum̄ bhom̄-o líli. <sup>10</sup> Padhá de, anga i d̄ me kpála bini nde agum̄ té líli-e, ani nde la ngamene dudu-o hana ndjindji-e, amba ani agum̄ bhom̄-o líli-e libhomu. <sup>11</sup> Padhá de, anga Ebhe inde apa me: «Mo okúnda bhoko, i d̄ di-e øl̄ gba kpála koko de», ani apa di ngae me: «Mo obhéle kpála de.» Kaka-a, i d̄ me m̄ nde kúnda bhoko, i d̄ di-e øl̄ gba kpála koko de-e, engú la bini, m̄ bhøle kpála-a, amba mo ogum̄ líli-e agum̄.†

<sup>12</sup> Ka 'ngú bhom̄-o, yi gama 'ngú, yi mene di 'he me yi nde ngambila ndjindji me líli akódho 'ngú gba yi-e makódho, líli angó-o, a ko bhende ngagbegbe kpála bhú bali-o. <sup>13</sup> Padhá de, anga bhú nedhinga nakódho 'ngú-o, pi kpála bhende i dje nani ndjinga okpála koko de-e, Ebhe djé di ndjinga ani de. Engú bini, kpála bhende ngadje ndjinga okpála koko-o, ekpí nakódho 'ngú gba okpála-a 'ó tsulú li ani de.

#### Nabhuka inde ne kulu ade-e, a kukuo

<sup>14</sup> Ondaise ma, kpála bini ti da napa me ni ne nabhuka. Engú bini, i d̄ la me ani nde suno kulu kulu-o de-e, nabhuka angó-o tí da \*nakobho ani uu? <sup>15</sup> Ní pa nga me: ndai yi bini na bhobhoko, i d̄ di-e bhe na øl̄, u ne bongo ade, u di ne ezú ngú ekpí bini bini ade. <sup>16</sup> Li kpála bini bhú ká yi pa pi uo me: «Yi n̄ ne \*guo 'ngú! Yi n̄ dyi bongo, amba yi z̄ 'he, yi 'u'u ma'u'u!» Oeli bhom̄-o améne pi uo mangua bádha 'ngú dho, i d̄ me yi nde ha ehe inde u nde bhú ndibhili e pi uo de-e? <sup>17</sup> A si maka nabhuka. † d̄ me m̄ nde abhuka-a, engú bini, m̄ suno kulu kulu-o de-e, amba nabhuka gba m̄-o kukuo.

<sup>18</sup> Engú bini, kpála ti da napa me: «Okpála koko aha lío pi nabhuka, okoko aha lío pi kulu.» Li kpála pa mo-o, ma gíe pi ani me: «Suno m̄ma, lele pi m̄ ti da nadú lie ne nabhuka me m̄ nde mene kulu kulu-o de-e! Ngama la di-e, ma asúno nabhuka gba ma-a pi m̄ bhú namene kulu angó-o.» <sup>19</sup> Ngayi-e, yi ngabhuka me koli Ebhe bha bini. A ndjindji naali. \*Osisiti bua ngabhuka bhadi moko. La di-e, u ngaguk̄ ne tsulú.

<sup>20</sup> Yi ne ongingi! Yi akúnda me u suno pi yi me nabhuka inde li kulu kulu nde lie ade-padhá-a? <sup>21</sup> Lele pi li ogbi ní Abalahama akolo nani lie ngbingbili bhú djila Ebhe-e? A ko nani li pápá na okulu gba ani-e di? Li nedhinga inde ani aha ndili gba e tsaka lie, ani atsia a'o ani li bili natsulu en̄ pi Ebhe-e? <sup>22</sup> Yi ngau me nabhuka, di ne okulu gba ani-e, ad̄ nani adholo bhú dabilí bini. Ka okulu gba ani-e, Ebhe atsia au me nabhuka gba ani-e abhele. <sup>23</sup> Abhom̄-o, eli inde li Bhuku gba Ebhe-e apa e-e, atsia amene lie. A ko eli inde apa me: «Abalahama abhuka Ebhe. Kaka-a, Ebhe atsia au ani me, a ko \*ngbili kpála.†» Ebhe atsia a'i la di ani me olia ni. <sup>24</sup> Yi ngau me Ebhe ngaziba me kpála inde-e ngbingbili li pápá na okulu gba e-o. A ko bha bini ka nabhuka kpi e kpi de.

<sup>25</sup> A bhadi si maka Lahaba, øl̄ inde ad̄ akúnda obhosi ngangá-o. Ebhe aziba nani me a ko \*kpála na ngbingbili ka okulu gba ani-o. Padhá de, anga ani asia nani okpála inde li omafalaale atima nani o agba e. Ani atsia amene la di me u gie lío li kpadji koko.

<sup>26</sup> A moko. Maka li ewo d̄ lie bhú k̄te de-e, amba k̄te bhom̄-o kukuo, a bhadi moko, li nabhuka d̄ ne kulu bhú e de-e, amba nabhuka angó-o kukuo.

†2:8 Tsia bhú Lev. 19:18. †2:11 Tsia bhú Eki. 20:13, 14, di ne bhú Det. 5:17, 18.

†2:23 Tsia bhú Dje. 15:6.

## Ní lila 'mi ní malila

3<sup>1</sup> \*Ondaise ma, bhelé na okpála bhú ká yi agílí nadu omusuno de. Padhá de, anga a ayo me yi mbila ndjindji me Ebhe akódho 'ngú gba ní omusuno-o kpekpeke naali ané okpála koko mane. <sup>2</sup> Ndu ní hana ní ngatí bhú ongú bhelé. I du me kpála nde tí bhú engú inde aní ngagama e de-e, amba kpála ang-o abhele. Aní tí da nadu ne angu pí 'ndjí kúte e libhomu. <sup>3</sup> I du me ní nde ato mboye kalase bhú 'bhè opunda ngubula me ní to bhúla uo lí pápá inde ní ngakúnda e, ní tí da namene di ne kúte uo libhomu maka ní akúnda lie. <sup>4</sup> Yi tsia nga ongbengbe zabu. A ngbengbengbe. Anvi na kpekpeke ngatátamba ngae. La-a, mboye 'he masudha inde ngalílí bhála 'ngbé zabu-o ngadjidji ngae. Lí zabu-o tsia nú lí pápá inde lí kpála nadjedjele ngakúnda e ko. <sup>5</sup> A bhadi moko pí emi. A ko mboye ehe masudha bhú kúte. Engú bini, a ngabhi 'kpa e pí 'ka e lí ongú na ngbengbengbe.

Yi tsia nga me ne mboye dhegè djua masudha, u tí da natsulu 'ngbé gbèndè na ngbéngbé! <sup>6</sup> Emi bhadi maka djua, a ko dabíli gba siti-o. A ko sùka yá ní, a la di ngasiti kúte ní libhomu. Djua na líkabhu na dudu má pí 'mi ní. 'Mí ní la di ngatsulu mukobho gba ní-e libhomu ne djua ang-o. <sup>7</sup> Kpála-kúti ne angu ngá na'o mboli lí ndu djua oenú na bíli hana, abana oedhu, onú inde ngagbele lío ne 'bu o, abana osungu. Aní a'o la bhadi mboli lí uo a'o. <sup>8</sup> Engú bini, kpála-kúti ne angu ade ngá na'o mboli lí 'mi e. Emi ne ehe na sisiti. A tíli naali. A abedhe la di ne síli na bhèlè kpála bhú e bedhe!

<sup>9</sup> Bha ne emi bini bhomu-o, ní ngadhègè Ngámá inde 'Dyí ní-o. La bhadi ne emi bini bhomu-o, ní sosobho okpála inde lí Ebhe abho o maka e makpe ko. <sup>10</sup> Oeli na dhegè di ne oeli natu pèdjè-o, a ngaze bha bhú kólí ebhè bini. Ondaise ma, a ayo mo-o de. <sup>11</sup> Kólí kpungu bini tí da nagbe engu na babadha, di ne engu na sùsù de. <sup>12</sup> Ondaise ma, \*ndula na figi tí da nalí lí ndula na olive uu? Ne me 'lá ndula na vino tí da nalí lí ndula na figi uu? Kpungu na 'ngu ngutu tí da nagbe engu na babadha de.

## Ìmbilangu inde ayie abhúlá

<sup>13</sup> Kpála bhende na ìmbilangu, inde di aké mboli 'ngú bhú ká yi uu? A ayo me aní suno bhú dasundu gba e na babadha. Aní suno di bhú kulu inde aní ngamene e ne nakè lie ne kuto di ne ìmbilangu. <sup>14</sup> Engú bini, i du me yi nde ne 'ngbé bua naali-e, di ne bua me o one okpála koko mane-e, yi 'o nabhi 'kpa yi pí 'ka yi ma'o. Yi asítí engú na kùkùlu-o ne eu gba yi-e de. <sup>15</sup> Ngua ìmbilangu bhomu-o yie abhúlá de, a ko bhe na doto. A ko bhe na kúte, a ko bhe gba kpála inde bhú e ne \*siti bua. <sup>16</sup> Padhá de, anga bíli inde lí okpála nde lie ne 'ngbé bua-a, bíli u nde lie ne gumu nane okpála koko mane-e, oo-o, nadje lío dú-u de. A adú bha bini oo ne ondu 'ngú hana bhe na sisiti.

<sup>17</sup> Engú bini, ìmbilangu inde ayie abhúlá-a, a naae kpi hana. La di-e, a ne \*guo 'ngú, a ne bua na bhèbhèka, di ne namanga kpála. A abedhe di ne nadje ndjinga okpála koko, a ngazu obabadha nguwa. A ngau okpála koko ngbéngbé ane okoko mane ade, a la di ne kali bhú e ade. <sup>18</sup> Okpála bhende akúnda guo 'ngú-o, maka okpála alulu 'dyi. Nguwa inde u alulu e, a ko guo 'ngú, a ngazu pí uo \*ngbìli 'ngú.

Mu kúnda engú na doto-o, amba mu ne bhúlu yala gba Ebhe

4<sup>1</sup> Okpekbhè di ne ogbele-e ngayie bhú ká yi su? A ngayie bhú osisiti gumu na ndu 'ngú ngangá inde ngagu gbele bhú kúte yi-o. <sup>2</sup> Yi kùkùnda nasia ehe bini, engú bini, yi tí da nasisia de. Kaka-a, yi bedhe ngú nabhili okpála. Yi dudu ne gumu na sisiti ngú nasia ehe bini, engú bini, yi tí da nasisia de. Kaka-a, yi ngamene kpekèbhè, yi la di ngagu gbele. Yi sisia ehe inde yi akúnda e de. Padhá de, anga yi yoyo ka Ebhe de. <sup>3</sup> Belegu yi ayoyo lie, yi sisia de anga yi yoyo maka ayo lie de. Yi yoyo bha bini ehe inde i ngangá lí yi-o. <sup>4</sup> Ngayi obambakaya inde-e! Yi mbíla de me nakúnda engú na doto-o, a ko nadu bhúlu yala gba Ebhe-e dí? Kpála bhende akúnda engú na doto-o, aní nga'o lie bhúlu yala gba Ebhe. <sup>5</sup> A aye nani lie padhá de me: «Ebhe akúnda bua gba e inde aní a'o nani e bhú ní-e

naali.»<sup>d</sup> <sup>6</sup> Engú bini, bádha bhú 'bu inde li Ebhe nde ne e pí ní-e, ane ne engbé. Kaka-a, u aye bhú Bhuku gba ani-e me:

«Ebhe ne bhulú yala gba okpála na 'ngbé 'ndji,  
engú bini, ani ne bádha bhú 'bu pí obhende ngaké lio ne kuto ko.†»

<sup>7</sup> Kaka-a, yi manga Ebhe. Yi holo bhú 'dhú yi ka Djabulú kpekpeke, amba ani kpe yi tsutsu. <sup>8</sup> Yi dyudyo liyi de Ebhe masikpe, amba ani dyudyo di lie de yi masikpe. Ngayi okpála na siti 'ngú, yi vúlú 'kpa yi! Ngayi okpála li bua o agbolo ngangá-a, yi vúlú bua yi! <sup>9</sup> Yi mbíla ndjindji me yi bhú líkabhu. Yi ku 'gbá, amba yi lopolo liyi. A ayo me ezo gba yi-e dji lie, a akolo egbá, amba djalí gba yi-e dji lie, a akolo líkabhu. <sup>10</sup> Yi ké liyi bhú djila Ngámá ne kuto, amba ani tsia 'e'e yi ne abhúlá.

Mo okódho 'ngú gba kpála koko de

<sup>11</sup> \*Ondaise ma, yi adú apa siti 'ngú li yi sùnda yi de. Kpála bhende ngapa siti 'ngú li ndai e, i dū di-e nakodho 'ngú gba ani-e, ani ngapa siti 'ngú bhomú-o li líli gba Ebhe, di ne nakodho 'ngú tété. Bhú nedhinga bhomú-o, ani ngamene líli ade, ani mangbo ngakodho 'ngú tété. <sup>12</sup> La-a, Ebhe aha líli ngae makpe. Ani tí la bhadi da nakodho 'ngú tété ngae kpi e kpi. Ngaañi kpi e kpi, ani tí da \*nakobho kpála, di ne na'o me kpála kpi. Ngamú-o, mū la naamú ne da, mū ngakodho 'ngú gba kpála koko lie?

Yi adú ne 'ngbé 'ndji de

<sup>13</sup> Yi dje nga ma mbia inde, ngayi okpála bhende ngapa me: «Naki, i dū di-e mambi, ya anú bhú gúdhú bhe. Ya así oo kalanga bini. Ya atsíndji 'he, ya tsia sía falanga.» <sup>14</sup> La-a, yi mbíla de me məkobho gba yi-e adú mambi pí-ie de! Padhá de, anga yi maka nguwa inde ngau lie ngábula nedhinga bedi, pipíta-a, u u matá-a de ko! <sup>15</sup> A ayo mangbo me yi pa me: «Í dū me Ngámá nde akúnda-a, ya adú bhú məkobho. Ya tsia méne engú inde, i dū mo-o de-e, ya méne engú koko.» <sup>16</sup> Engú bini, mbia inde-e, yi ne okpála na 'ngbé 'ndji. Yi la di ngabhi 'kpa yi pí 'ka yi. Ndú ngua ongbengbe 'ndji bhomú-o hana sisiti. <sup>17</sup> Kaka-a, li kpála mbíla namene bádha 'ngú-o, engú bini, ani mene la bádha 'ngú angó-o de-e, amba ani amene siti 'ngú.

Ngayi obhulú tia-a, yi ku 'gbá

**5** <sup>1</sup> Ngayi obhulú tia-a, yi dje nga ma mbia inde! Yi ku 'gbá, amba yi tū di 'ue ka olíkabhu inde akólo li kúte yi ko! <sup>2</sup> Tia gba yi-e azi. Okéké azú la di \*obongo gba yi-e azú. <sup>3</sup> Olo gba yi, la di ne aladja gba yi-e agba mbelende. Mbelende angó-o a'ó 'ngú pí yi ngae. Mbelende azú la di kúte yi maka djua. Yi apo íbili bhála tia gba yi-e mbia inde-e alí sokpí! <sup>4</sup> Yi ayala naha tia pí okpála na kulu inde ngamene kulu bhú 'dyi gba yi-o. Kaka-a, u ngalopolo lio. La di-e, Ngámá na abhúlá, Angbamíli adje nalopolo lie gba uo-o adje. <sup>5</sup> Píla doto-o, yi adú bhú ká tia, yi atsia adú akobho ndjindji naali. Yi akolo ne tsikpa maka oenú inde akolo ne tsikpa ngábula ekpí inde u abhólé uo lie ko. <sup>6</sup> Yi a'o mangímbo pí \*kpála na ngbingbili-o. Yi atsia abhólé la di ani. La-a, ani lú kala yi ne gbele de.

Yi dū ne 'ndjá bua, anga Ngámá ngago

<sup>7</sup> Kaka-a, \*ondaise ma, yi dū ne 'ndjá bua akólo bha bini li 'kpí inde li Ngámá agó lie ko. Yi tsia nga kpála inde ngalu 'dyi-o. Ani ngadjeke nguwa inde ane ne bádha-a ne 'ndjá bua. Ani ngadjeke bhadi nedhinga inde li ebha na kalanú, di ne bhende na soso-o adhé lie-o. <sup>8</sup> Ngayi di-e, yi dū ne 'ndjá bua. Yi dū ne masi. Padhá de, anga nago gba Ngámá-a akolo masikpe. <sup>9</sup> Ondaise ma, yi apá siti 'ngú li yi sùnda yi de, amba u akódho 'ngú gba

<sup>d</sup>4:5 Ebhe akúnda bua gba e inde ani a'o nani e bhú ní-e naali: U tí da napa matá me: «Bua inde li Ebhe a'o e bhú ní-e abedhe ne osisiti gumú 'he.»

<sup>†</sup>4:6 Tsia bhú Gbt. 3:34.

yi-e de. Padhá de, anga kpála nakodho 'ngú-o alu li obhøbhoti. <sup>10</sup> Ondaise ma, \*opolofeta inde akpokpo nani 'ngú ne 'li Ngámá-a, abi nani likabhu ne 'ndjá bua. Yi kpata engú inde u amene e-o. <sup>11</sup> Ní ngapa me okpála bhomø-o, a ko okpála na djali. Padhá de, anga u adu bhú likabhu ne kpéke bua. Yi adje maka li Djobe abi nani likabhu lie ne kpéke bua-o. Yi atsia au la di ehe inde li Ngámá aha e pí ani ali soso-o. Padhá de, anga Ngámá abedhe ne ndjinga, la di ne bua na babadha.

<sup>12</sup> A ane la mane ondaise ma, yi atú silika de. Yi atú silika ne 'li kokpí de. Yi atú silika ne 'li doto de. Yi atú di silika ne 'li 'he koko belegu de bini. I du me a nde mo-o, yi de pa bha me: «A moko.» I du la di me a nde mo-o ade-e, yi de pa bha me: «A mo-o ade», ngubula me yi asía mangimbo ka Ebhe de.

Nayo gba kpála na ngbingbili-e, a ne angu naali

<sup>13</sup> Bhú ká yi-e, kpála bini bhú likabhu uu? A ayo me ani yo Ebhe. Bhú ká yi-e, kpála bini ne djali uu? A ayo me ani dhøgø Ngámá bhú oetsi. <sup>14</sup> A li kpála bini bhú ká yi ne kuo uu? A ayo me ani 'i \*obhelesi okpála na Piga gba Ebhe . U yo Ebhe ngubula ani, amba u tuko la di emu pí 'ndji ani ne 'li Ngámá. <sup>15</sup> I du me u nde ayo bhú dabili bini ne \*nabhuka-a , li nayo angø-o kóbho kpála na kuo-o, li Ngámá 'é ani bhúl. I du me ani nde amene siti 'ngú-o, li Ebhe tsia 'é siti 'ngú angø-o. <sup>16</sup> Kaka-a, yi mbamba ta osisiti 'ngú gba yi-e sunda yi. Yi yo Ebhe ngú yi sunda yi, amba okuo gba yi-e yie. Nayo gba kpála na ngbingbili-e, a ne angu naali. <sup>17</sup> Eliya nani ne kpála-kuti maka ní. Ani ayo nani Ebhe ne bua e hana ngubula me ebha adhi-i de. Ebha tu píla doto belegu de bini, ngubula kalanga bata ne epe madhia. <sup>18</sup> Pipita-a, ani ayo matá Ebhe. Abhomø-o, ekpí atse 'kpa li ebha kuto, doto atsia aholo di nazu nguwa gba e-o.

Yi gie kpála inde a'o ká ngbili kpadji-e li kpadji na kukułu

<sup>19</sup> Ondaise ma, kpála bini bhú ká yi ti da na'o ká ngbili kpadji. Pipita-a, li kpála koko tsia gie matá ani li kpadji na kukułu. <sup>20</sup> Yi mbila ndjindji me kpála inde agie kpála bini na siti 'ngú, inde a'o ká ngbili kpadji li kpadji na kukułu-o, ani akóbho bua kpála bhomø-o bhú kuo, ani tsia méne me u mbu li bhiti osisiti 'ngú gba kpála bhomø-o.